

心胃痛門

或問心痛之因可得聞乎。

答曰心爲君王之官。

明出焉。乃人一身之主宰。邪不得而傷病則危殆故

真心痛者曰發夕死。夕發曰死。今之所謂痛者心包

絡病也。包絡係裏心之脂膜。猶帝城之有郭郭屬手

厥陰經。與手少陽三焦相火爲表裏。包絡爲心之相

代心行令。三焦爲腎之相。代腎用事。蓋心腎之火一

氣相通。所謂坎離交姤。則包絡三焦之相火亦出一

源。治分上下。此言心痛實包絡受邪干之而爲病。猶

之腎水不足者。必曰相火有餘之義也。心痛之脉

與形証。包絡之痛。痛于兩乳之中。鳩尾之間。卽膈中也。其痛之狀。如痞結不舒。又如嘈雜難過。少欲舒展。則碍而痛。否則無恙。此乃鬱鞠之氣不伸。脉必沉而微急。亦有失血之後。瘀血留滯胸中。隱隱痞痛。綿綿不已者。其脉必沉而絃濇。亦有痰涎停伏。窒碍不通而痛。症兼頭暈惡心。脉必沉滑不清。更有本經血滯氣鬱。久從火化。而虛痛難遣。痛雖不甚。而煩冤痞悶。悒悒不樂。止發無常。不碍飲食者。脉必濇弱而虛數。此症皆由勤讀深思。勞煩過慮所致。必兼虛汗盜汗。煩燥無寐等症。以上四端。皆俗所謂之心痛也。

心痛治法。氣逆膈中久鬱不伸。以開鬱調氣爲主。倘氣鬱化火。兼以清之。瘀血爲痛者。以和血消瘀爲主。兼之化氣。蓋血隨氣配。氣行則瘀自消也。氣鬱化火。火鬱生痰。因痰而痛。必兼調氣清火者。治痰之本也。包絡本經病者。必先和血以清熱調氣。以開鬱兼之。滋益以培不足。

心包絡膈中痞痛主方

川貝母

二錢

橘紅

一錢五分

丹參

一錢

當歸

一錢

石菖蒲

一錢

益智仁

五分

遠志肉

五分

水煎半前後服

氣鬱必有痰。痰氣併結。未有不痛者。故君以貝母橘
紅順氣清痰佐菖蒲益智。開鬱止痛。當歸遠志丹參
和血醒神。服寧志丸。或牛黃清心丸。如本經之氣
結滯以致血鬱爲痛者。加鬱金末一錢。以前藥泡服。
如客血留滯臍中。加紅花延胡索各一錢。去丹參益
智遠志。如痰涎壅盛。脉滑有力。加茯苓一錢五分。
去丹參當歸。服導痰丸。或沉香滾痰丸。雖有積痰脉
來緩弱者。仍服牛黃清心丸。如鬱火盛而口苦舌
燥。脉絃而數者。加黃連五分。服清鬱丸。如勞煩思
慮。心虛血少。加棗仁二錢。人參茯神各一錢。去貝母。

減橘紅五分。陽虛喜煖者。服寧志丸。陰虛惡燥者。服

安神丸。寧志丸。治陽虛陰氣不足。氣鬱為痛。神

衰志弱。面目黧黑。抑抑不舒。方見包絡。膈中氣虛條。牛黃清

心丸。治心虛不足。火侵包絡。怔忡煩躁。氣逆痰凝。

方見中風門。中腑實症條。導痰丸。治積痰結滯。致氣逆膈中

為痛。方見痰飲門。沉香滾痰丸。肺胃痰凝。大腸熱結。

火炎氣逆。膈中結滯而痛。方見中風門。中腑實症條。清鬱丸

三焦氣鬱化火。火鬱為痛。方見鬱門。血鬱條。安神丸。方見火門。

心與小腸虛火條。或問痛在鳩尾之下。三腕之間。其致病

之因。與前症同乎。否乎。答曰。此為胃腕痛也。病者

石人方

之因。有氣鬱。火鬱。痰凝。停食。受寒。傷熱。蛔厥。瘀血。胃
虛。九種之異。胃爲水穀之海。能受能容。可行可導。非
比包絡臆中。氣餒血弱。難于攻逐者也。胃痛之脉
與形証。氣鬱爲痛者。六脉沉而帶絃。沉爲營氣閉
塞不通。絃則濁氣滯而爲痛。痛兼脹滿。按之愈甚者。
肝脾之氣不和也。久鬱之氣。反兼火化。其痛如刺痛。
則痞滿嘈雜。止發不常。不食少緩。多食則痛。甚至口
乾喉燥。吞酸吐酸。二便不利。脉多沉絃。肝胆之氣鬱
火盛也。肝脾之脉。弦滑不清。此氣滯而津液凝結爲
痰。或素有痰飲。隱伏阻塞氣道爲痛。痛則嘔吐。吐則

少緩者。痰病也。氣口脉滑有力。或沉弦滑數者。此由中氣不運。飲食停滯難消。或食後感寒受氣。卒然胸惡膨脹而痛。其痛連心胸腸胃。勢不可忍者。食也。一時寒淫感觸。不作表熱。直達于胃。與胃之水穀痰積併結爲痛。外則畏寒肢體痠疼。內則惡心。胸腹窘迫。其脉沉弦緊濇。或沉伏不起。寒之病也。體弱之人。血虛內熱。且素有鬱火。而胃腑復感暑邪。痛因火盛。熱傷元氣。嘈雜煩渴。頭眩目脹。脉必浮弦而數。或沉數不清者。熱之故也。素有濕熱之氣。積于腸胃。致生蛔蟲。非寒則熱。使蟲不安。卒然攻痛。痛則唇青手厥。欲

吐不吐。欲利不利。止發不定。痛不可忍。脉來乍大乍小。或沉或浮。平日面帶青黃。肌消肉削者。此蠱厥也。瘀血停滯中宮。氣弱不能行導。時常碍痛。至夜尤甚。眼白淡黃。皮膚黃黑。惟飲食無碍。而脉必濇數。或絞緊急痰者。血鬱而內熱也。若中氣久虛。胃寒脾弱。失其健順營運之常。以致濁氣凝寒。時爲痞痛。喜食辛溫熱飲。脉來沉遲緩弱。或沉弦無力者。本胃虛氣滯爲病也。胃痛治法。氣鬱者。疎肝健脾爲主。理其氣而痛自止也。火鬱則發之。木鬱則達之。疎肝正以達氣。清火兼能消痰。而火痛自愈。治痰必先順氣。氣

順則痰飲自清。痰清則痛亦自釋。停食者。胃必寒氣必滯。治當溫中理氣。佐其運導。而食易消。痛自止。寒邪客胃。非辛溫不散。痰食阻塞。非溫消不通。能散能通。何患其痛之不止。表熱以辛涼散之。內熱以苦寒清之。表裏兼清。使熱得以疎泄。而痛自愈。治蟲以酸寒安之。以辛苦逐之。安之暫緩其痛。逐之永拔其根。行血必通氣。消瘀必潤燥。辛以潤之。苦以行之。爲治瘀止痛之要。胃腑虛寒。理宜溫補。培火益氣。則脾能健運。胃能受任。凝寒散而濁氣消。又何痛之有哉。

胃腕痛王方

山查肉 三錢 半夏 一錢五分 枳實 一錢 延胡索 一錢

陳皮 一錢五分 白寇仁 五分 木香 三分 生姜 一片

水煎不拘時服

蓋胃主司納為水穀之海無空虛之曰痛則必由氣滯而水穀因之亦停所以痛時必先戒食飲食不斷痛亦不止故君以查肉者不獨能消有形之食積而于疎肝開鬱和血健脾之功不少痛由氣滯痰凝故以陳皮半夏消痰木香荳蔻開鬱順氣枳實摧堅破積不惟止痛復能利痰消食如氣鬱氣實者加延胡索砂仁各五分服沉香寶靈丸火鬱者加黃連



山梔各一錢。去木香豈。服清鬱丸。或芩連橘半枳
木丸。痰盛者。加枳實五分。桔梗一錢。去木香豈。
服導痰丸。氣滯熱結者。沉香滾痰丸。脾弱者。枳半
枳實丸。停食者。加麥芽二錢。神曲一錢五分。厚朴
一錢。去木香豈。延胡。服保安丸。或香砂枳木丸。傷
生冷。則服備急丸。或香砂萬安丸。受寒者。加淡豆
豉。防風各二錢。蘇葉一錢五分。生姜二片。去木香豈。
延胡。服蘇合丸。傷熱者。加乾葛二錢。黃連五分。
去木香豈。山查。服正氣丸。蝟厥者。加五靈脂二
錢。檳榔。苦楝根各一錢。延胡。川椒。黃連。烏梅各五分。

去木香服豈斂化蟲丸或妙應丸如瘀血停滯如

桃仁一錢五分紅花一錢肉桂五分去半夏豈斂服

抵當丸脾胃虛寒加白朮三錢人參一錢五分炮

薑肉桂各五分去山查枳實延胡服理中丸或參附

理中丸沉香保靈丸見積聚明清鬱丸見鬱明芩連

橘半枳朮丸見鬱火鬱條導痰丸見痰飲門沉香滾痰丸

見中風門中橘半枳朮丸見痰飲症條保和丸見內傷門

食物內傷條香砂枳朮丸見內傷門食物內傷條脩急丸見內傷門

生冷內傷條香砂萬安丸見泄瀉門蘇合丸見霍亂門正氣

丸見中暑門化蟲丸不拘男婦小兒素有蛔結胸中

及寸白諸蟲喜食茶米泥炭等物。面黃肌瘦痛止。常久遠難愈者。以此治之。

大黃 三錢

板榔 三錢

黑丑

二兩頭末

錫灰

五錢

雷丸

五錢

木香

五錢

使君子

五錢

蕪荑

四錢

葱湯疊丸芥子大。或二錢。或一錢。量虛實。

加減。小兒或一錢。或五分。以大小酌用。擇。

天氣晴明早粥時分。不可進食。殊覺飢餓。

卽以砂糖湯吞服。忌肉三日。

妙應丸

見積聚門

抵當丸

見癰脹門

理中丸

見中寒門

參

附理中丸

見中寒門



活方

卷八

心胃痛

七



北京中医药大学图书馆版权所有

腹痛門

或問前言心胃之痛有別。致痛之因亦異。今腹與大
小腸之痛。寧無說乎。答曰。痛則總屬氣之所使。氣

在有形無形之間。曰寒。曰火。曰暑。濕。曰霍亂。若有形
者。或食積。或燥糞。或瘀血。或月信阻。大凡腹痛。只在
臍之上下左右。自下而上。連胃腕者。爲逆上。自上而
下。至小腹及肛門者。爲滯下。或痛連衝任之脉。或痛
連胞門子戶。總之按之痛甚者。爲實。按之痛卽止者
爲虛也。腹痛之脉與形証。兩關沉弦。或沉遲。甚
至沉伏不起。綿綿而痛。惡心畏寒。喜飲熱者。寒氣沉

于至陰之分也。兩關弦滑或弦數。乍痛乍止者。火也。脈弦滑而急數裏急後重痛至小腸肛門者。暑濕蘊積滯下爲痢也。兩關沉弦或浮緊。暑鬱於內寒遏於外。寒暑交攻上逆則胃疼而嘔吐。下滯則腹痛而欲瀉。甚至頭疼惡寒身熱煩渴者。霍亂也。若氣口弦滑有力惡心而痛止不常或得食而痛尤甚痛則欲泄泄則痛止者。食積也。兩關尺沉弦或弦急腹必鞭滿後必失氣按之累累有形此燥糞內結也。關尺沉弦濇數或弦緊痛之不止至夜尤甚痛處不移其部手不可按曰黃內熱者。瘀血也。痛連腰

愈衝任胞門子戶。脉來弦緊。或弦濇者。月信阻也。

痛而惡心欲嘔。嘔去痰涎而痛止。六脉沉滑。或弦滑。

者。痰飲也。腹痛治法。寒者溫之。散寒順氣。先用

蘇合丸。一二丸。薑湯化服。外以炒鹽頻熨。瘴氣暑

毒。吞痧暴痛難忍。煩渴不省人事。最忌熱飲。瘴用玉

樞丹。冷水磨飲一錠。暑用香茹飲。冷水頓溫服。痧則

外用打痧出血。內用花柳涼水。或生熟礬各半。調新

汲水服。候痛定。方用前藥。滯下者。初起以香連導

滯丸。利之久。則香連丸清之。宿食停積。新消導。

宜通利。因寒用脩急丸。因熱用潤字丸。燥糞不通。

古
人
方
卷
六
復
痛
九